

يوهَنائے دومی کاگد

يوهَنائے دومی کاگدے پَجَار

يوهَنائے دومی کاگد گُون کاگدے نبشته کنوک و هما مردمانی پَجَارا بندات بیت که آیانی ناما کاگد نبشته کنگ بوتگ. نبشته کنوک، اے کاگدا وتا ”کَماش“ گوشت. کَماشے گال په کلیسائے هاسین سَرُوک و اُستادان کارمرز بوتگ. اے کاگد گُون يوهَنائے انولی کاگدا سک همرنگ انت، پمیشکا پاکین کتابے گیشترین زانتکار گوشنت که اے کاگد هم ایسائے کاسد يوهَنایا نبشته کرتگ.

اے کاگد ”دُوستین بانک و آییئے چُکانی“ ناما نبشته کنگ بوتگ. زانگ نبیت که ”بانک“ هَک و دلا یک جنینے یا باورمندانی رُمبے، چیا که ”دُوستینے“ گالے مانا ”گچینے“ هم بوت کنت و مُدام په کلیسایا کارمرز بوتگ. کلیسا جنین یا بانک هم گوشگ بوتگ.

يوهَنائے دومی کاگدے اهمین گپے ایش انت که ایسا، مَسیه انت و آییئے سرا ایمان آروک یکدگرا اَلَم دُوست پدارنت. باورمند هبردار کنگ بوتگ انت که ردین سر و سَوجانی رَندگیریا مکننت. يوهَنّا دیمے مردمان هال دئیگ لوئیت که من اراده کرتگ که شُمے نیمگا بیایان و شمارا راستین سر و سَوج بکنان.

سلام و درُوت

① چه کلیسائے کَماشے نیمگا،

په گچین کرتگین بانک و آییئے چُکان که په دل منا سک دُوست انت. تهنا منا

نه، هما سَجَّهِنان هم دُوست اَنت که راستيا زانت. ۲ پمیشکا مارا دُوست اَنت که مئے دلا راستيا جاگه کرتگ و تان ابد گُون ما همراه اِنت. ۳ هُدایی مِهَر و رَهْمَت و سُهَل و آسودگی، چه پتین هُدا و آییئے چک ایسا مَسِيهئے نیمگا، په راستی و مِهَر گُون ما گُون بیت.

راستی و مِهَر

۴ گل و شادان بوتان وهدے زانئن تئی لهتین چک، راستیئے سرا زَنَدَ گوازیښت، هما دُولا که پتا مارا هُکم کرتگ. ۵ نون، او بانک! من نوکین هُکمے نبیسگا نه آن، اے هما هُکم اِنت که چه بُنگیجا مارا گُون بوتگ، بله چه تئو دَربندی کنان، ماشما گُون یکدومیا مِهَر بکنین. ۶ مِهَر همش اِنت که آییئے هُکم و پرمانانی سرا زَنَدَ بگوازیښت. آییئے هُکم همش اِنت که شما چه بُنگیجا اِشکتگ. همے مِهَرئے هُکمے سرا زَنَدَ بگوازیښت.

۷ چیا که بازیڼ رَد دئیوکے دنیايا پُترتگ و تالان اِنت و اے هبرا نَمَنت که ایسا مَسِيه انسانی جسم و جانیایا اِیر آتکگ. اے پئیمین مردم رَد دئیوک و مَسِيهئے دژمن اِنت. ۸ هوښ و سار بیت که مئے کارئے بر و سَمرا برباد و زئوال مکنیت، سرریچین مَزے په وت بگئیټ. ۹ هرگس که مَسِيهئے تالیمئے سرا مِهَر مه اوشتیت و وتسرا دیما تر برئوت، هُدا آییئیگ نه اِنت، بله هرگس که مَسِيهئے تالیمئے سرا مِهَر بوشتیت، هم پت آییئیگ اِنت، هم چک. ۱۰ اگن گسے شمئے گُورا بییت و اے تالیمئا مئاریت، آییئا وتی لوگا مئیلیت و وښاتکی مگوښیت. ۱۱ پرچا که اے دُولین مردمیئے وښاتک کنگ، گُون آییئے رَدین کاران شریکدار بیگ اِنت.

(۱۲) بازين چيزه هست كه په تئو بنبيسان، بله نلوټان گون كلم و كاگدا
بنت. اُميتوار آن كه شمئ كرا بيبيان و ديم په ديم گپ و ثران بكنين تان
مئ شمئ شادمانى سرريچ ببیت. (۱۳) تئى گچينيښن گهارئ چك ترا بدئ
دروټ و درهبات گوشنت.